

Seriotasunez jokatu beharra

GURE Herrian eta zuzenki Nafarroan abertzaletasunari buruzko edozein gogaketa, ekinbide, eta abarrek seriotasun eta kontu handia eskatzen dute arrakasta aukera batekin aurrera atera nahi izanez gero. Gure lurraldearen abertzaletasunaren egoerari buruz egiten diren ekintzen edota azterketen arintasun eta txepeltasunera ohituegi gaude. Azkenean, katearen maila ahulegia den Nafarroak ondorioak jasotzen ditu.

Hitzaurre hau, segurunez, azken egunotan Nafarroan gertatukoari buruz, Eusko Alkartasunak duen jarrera dela eta, EGUNKARIAK eskaturiko idazlanaren amaiera izango litzateke.

Lehenengoz nabaria da abertzaletasunaren esparruan 'batasun' deia gogo lehendabiziko sentipen bat bezala erreztasunez agertzen dela. Baina sentipen horri egoera politikoa aurrean jartzen badiogu, gaur egun batasunerako edozein deialdi biolentziaren erabilpenaren zuloan lehertuko dela ikusten dugu. Hau, deituriko batasunerako oraingoz salbazina den lehengo zailtasuna izango litzateke.

Gainera, abertzaletasun ezbertitzaren esparruan soilik egokituz, arazo asko dago. Lehenengoa, batzuk egiten duten gure herrialdekiko erabilpena izango litzateke. Nafarroak ez du agertu nahi ezeren trukeko txanpon bezala, eta ezin zaio inolaz ere

paper hori erantsi. Duela urte batzuk PNVk paper hori betearazi egin nahi zion eta egun badirudi istorio berdina errepikatzen nahi duela, Nafarroa gerturatze eta elkarlanegite uestezko baten esperimentazio gunea izango zelarik.

Eusko Alkartasunak eskatzen duen gauza bakarra seriotasuna da, Nafarroan orain arte gertatutakoa zakarregia delako, Iruñerrian esaten dugun bezala, oinarri falta oso bat adierazten duelako.

Dena dela, Eusko Alkartasunaren jarrera zehaztuz, laburpen hau egingo genuke:

1.- Ez da egia PNVko zuzendaritzatik Eusko Alkartasunekoengana jo dutenik elkarlanerako formula bat proposatzeko, ez hauteskundeetarako ez beste edozein gaitarako.

2.- Nafarroan ez da gauza berria uestezko kontaktuak daudela behin eta berriro zabaltzea, abertzaletasunaren barruan nahaspila sortzea baizik ez bait da beraien fina.

3.- Nafarroan abertzaletasunaren esparruan seriotasunez eta modu eginkorrez lan egiten dutenei inoiz ere ez zaie bururatu arazorik handiena eta garrantzitsuena hautagai zerrendak direnik.

4.- Abertzaletasun ezbertitza erakundeetan ordezkatzen duen Eusko Alkartasunak ez du uste zerrenden osaketak oinarritzko arazoa izan beharko lukeenik.

Hori dela eta, hauteskunde egitaraua prestatzen hasi da orain dela hilabete batzuk egindako strategi agiri batetan oinarriturik. Agiri hau, gaur egun afiliatu eta Batzordeak ari dira eztabaidatzen. Prozesu hau laster Eusko Alkartasunarekin elkarlana egin nahi duen euskal esparruko edozein pertsonari zabalduko zaio, independentea izan arren.

Hauek dira gure jarrera zehazten duten puntuak, aipatuz baita ere elkarlanerako formula ahaleginak eztabaidatzeko prest gaudela, Eusko Jaurilaritza osatzeko negoziazioan azaldu genuen bezala.

Abertzaleen multzoa gainera, eta ez bakarrik Nafarroan, etorkizunerako lehengo urrats bezala elkarriketa beharrezkoa dela argi dugu, baina beti alde bakoitzaren errespetu, seriotasun eta ardurarekin.

Azkenik, hamar urte hauetan Eusko Alkartasunak Nafarroan, abertzaletasun ezbertitzearen presentzia bermatu duela aipatu behar da eta uste dugula, behar beharrezkoa dela gure aurkezpena hauteskundeetan, azaldutako elkarlanerako gure asmoak errepikatzen ditugularik.

ESTEBE PETRIZAN IRIARTE

EUSKO ALKARTASUNAKO SENADOREA

Euskara, estatutuak eta Nafar Gobernu

EUSKARAZ hitzegiteko, ikasteko, ikertzeko, edo euskaraz bizitzeko esparruak derrigorrezkoak dira. Euskararen potentziala zabaltzeko, gutxieneko neurri, baldintza eta eszenatokiak behar dira.

Hori da nire uestez, Nafarroako euskaldunontzat arazorik larriena. Esparrurik eza hain zuzen ere. Euskara erabiltzeko edo euskaraz bizitzeko nahia ez baita aski.

Zoriturik, errealtate hau Unibertsitatean ere isladatzen da. Hori baieztatzen da, datu batzuk eman nahi nituzke:

— Unibertsitateak eskeintzen dituen 18 ikasketetatik euskara hutsean bat bakarrik eskeintzen du. Beraz, NUPen ehuneko bosta besterik ez da ematen euskaraz.

— Lehendabiziko kurtsoetan guztira 134 asignatura daude. Hauetatik 14 soilik eskeintzen dira euskaraz, ondorioz ehuneko hamarra.

— Hautaketa Libreko Irakasgai Espezifiketatik 4 asignatura euskaraz ematen dira, guztira 44 izanik.

Nafarroan, aldiz kontra, ikasketaren eskaera lurralde honetako egoera linguistikoa eta eskeintzen aurretik doa. Beraz, NUPek ez dio erantzuten inondik ere, irakaskuntza ertainetan dagoen euskal ikasle

kopuruari.

Hala ere, posibilismoan erori gabe, helburuak eta bitartekoak ongi desberdinduz, urrats garrantzitsu batzuk eman dira NUPeko estatutuetan. Behintzat, gaztelania eta euskara dira NUPek bere egiten dituen hizkuntzak, batez besteko, ikasleok geure ikasketak Nafarroako bi hizkuntza ofizialeko edozeinetan egiteko eskubidea dugu, eta. Euskara normaltzeko edukia eta izpiritua ezarri dira estatutuen testuan.

Baina zoriturik, estatutuen onarpena ez dago unibertsitatearen esku. UPNko Gobernuak —eta ez nafartar guztion Gobernuak—, ezin ditu onartu horrelako aurrerapausoak, argi eta garbi, bere politika atzerakoiarekin oztopatzen direlako. Are gutxiago, unibertsitateko autonomia buruz egiten duten irakurketa partziala eta estuarekin, botere politikoaren menpe uzten baitute. Estatutuak ez onartzean lortu duten gauza bakarra zera da: NUPeko kontsolidazio prozesua oztopatu, Unibertsitatea behin-behineko egoeran utziz.

UPN, tokiz kanpo dabil, euskaraz ikasteko eskubidea estatutuetan ezartzen dela eta, ilegalitatea aldarrikatzen duenean.

Nafartar euskaldunok ere besteak bezain nafartarrak baikara, eta ez bigarren mailako biztanleak. Geure lurrian, geure hizkuntza ikasteko eskubidea dugu! Zentzurik gabeko jarrera hau ikusirik, ondorio bakar bat atera daiteke: UPNek ez du bermatu nahi euskararen normalkuntza, ez unibertsitatean eta ez inon. Euskararen aldeko aurrerapauso txikiena ere kaltegarritzat jotzen du alderdi honek. Ez da eskaera edo errekurtsioen arazoa, borondate politikoarena baizik.

'Navarrismo' delakoaren ideologi falsua larru gorrian geratu da oraingoa, nafartarrak direla dioten bitartean, nafar kulturaren ardatz nagusietariko bat erasotzen bitute, azpijokoa nabarmena delarik.

Argi nabarmentzen da, NUPen euskararen egoera ez dela batere ona, hasi besterik ez gara egin. Guztion ardura da geure hizkuntzaren normalkuntzarako bideak irekitzea.

MIKEL LASARTE

IKASLE ABERTZALEETAKO KLAUSTRALA NUP-EN

BERRIAKZIRI



JULIAN SAN CRISTOBAL
Espainiako Estatu Seguritasunerako zuzendari ohia ABC

«Garrantzitsuena


GALen trama hondarreraino ikertzen jarraitzea zen, baina kosta ahala kosta?»



INAKI CABASES
Eko bozeramailea Nafarroako Parlamentuan DEIA

«Oraingo Eusko Jaur-

lartzan Nafarroaren presentzia aurreko urteetako baino handiagoa izango da»



GONZALO TORRENTE BALLESTER
Idazlea EL PAIS

«Kultura duen per-

sonak erantzun koherenteak —fisikoak, ideologikoak eta metafisikoak— ditu errealtateak planteatzen diezaiokeen edozein galderarentzat»



JUAN LUIS BIKUNA
ETBko aurkezlea eta zezendakaria EL DIARIO VASCO

«Jon Idi-

goras politikatik at gizatasun eta samurtasun izugarriko pertsona da»

ZAKILIXUT

© Olariagak

